

## Жаннат аҳли



09:38 / 06.03.2025 8779

Абу Ҳурайра розияллоҳу анҳудан ривоят қилинади:

«Бир аъробий Пайғамбар алайҳиссалом ҳузурларига келиб: «Мени бир амалга йўллангки, уни қилсам, жаннатга кирайин», деди. Расулуллоҳ соллаллоҳу алайҳи васаллам: «Аллоҳга бирор нарсани шерик қилмасдан Унга ибодат қилишинг, фарз қилинган намозни тўлиқ ўқишинг, фарз қилинган закотни беришинг ва Рамазон ойида рўза тутишинг», дедилар.

Аъробий айтдики: «Жоним қўлида бўлган Зотга қасам, мен бунга бирор нарсани қўшимча қилмайман». У ортига бурилиб кетганида Пайғамбар алайҳиссалом: «Кимни жаннат аҳлидан бир кишига қараш хурсанд қиладиган бўлса, шу одамга қарасин», дедилар».

Имом Бухорий ва Муслим ривоятлари.

**«Рўза аҳлига Рамазон тухфаси» китобидан**

Ушбу китоб Ўзбекистон Республикаси Дин ишлари бўйича қўмитанинг 2020 йил 31 мартдаги 2156-рақамли хулосаси асосида чоп этилган.